



Fidoyilik —  
Vatanga xizmat demak!

2023-yil 17-avgust, payshanba,  
98 (23.819)-son

**KUN  
HIKMATI**

Ko'p narsani  
emas, balki  
kerakli narsani  
bilgan odam  
donodir

1913-yil aprel oyidan chiqa boshlagan



[www.zarnews.uz](http://www.zarnews.uz) <https://www.facebook.com/zarnews.uz> [https://twitter.com/zarnews\\_uz](https://twitter.com/zarnews_uz)

**YANGI HAYOT UCHUN, YANGI O'ZBEKISTON UCHUN!**

## Payariq tumaniga hokim tayinlandi



**16-avgust kuni xalq deputatlari Payariq tumani Kengashining navbatdan tashqari sessiyasi o'tkazildi. Viloyat hokimi E. Turdimov ishtirok etgan sessiyada tashkiliy masala ko'rildi.**

Shu yilning 11-iyul kuni Prezident raisligida o'tkazilgan videoselektor yig'ilishida Payariq tumani hokimi Z. Ergashev vazifasidan ozod etilgandi.

Viloyat hokimi shu paytgacha viloyat kambag'allikni qisqartirish va bandlik bosh boshqarmasi boshlig'i lavozimida ishlagan Isroil Ismoilovich Jabborovni Payariq tumani hokimi vazifasiga tavsiya qildi.

I. Jabborov tumanni ijtimoiy-iqtisodiy rivojlantirish, hudud aholisi turmush darajasini oshirish yuzasidan taqdimot qildi.

Deputatlar I. Jabborovni Payariq tumani hokimi lavozimiga tasdiqladilar. Sessiyada viloyat hokimi E. Turdimov Payariqning mavjud imkoniyatlaridan samarali foydalanish, sanoatni rivojlantirish, investitsiya va eksport hajmini oshirish yuzasidan tuman rahbarlari oldida turgan vazifalarga to'xtaldi.



## TURKIY DAVLATLAR SOG'LIQNI SAQLASH VAZIRLARI SAMARQANDDA

**Samarqandda Turkiy davlatlar tashkilotiga a'zo mamlakatlar sog'liqni saqlash vazirlarining yig'ilishi hamda Turkiy dunyo tibbiyot kongressi bo'lib o'tdi.**

Unda O'zbekiston Respublikasi Sog'liqni saqlash vaziri Amrillo Inoyatov, Ozarbayjon Respublikasi Sog'liqni saqlash vaziri Teymur Musayev, Qozog'iston Respublikasi Sog'liqni saqlash vaziri Ajar Giniyat, Turkiya Respublikasi Sog'liqni saqlash vaziri Fahrettin Koja, Qirg'iz Respublikasi Sog'liqni saqlash vazirining birinchi o'rinbosari Tilek Mamadaliyev, shuningdek, Tatariston Respublikasi Sog'liqni saqlash vaziri Marsel Minnullin ishtirok etdi.

Tadbirlarning tantanali ochilish marosimida viloyat hokimi Erkinjon Turdimov, Turkiy davlatlar tashkiloti Bosh kotibi Kubanichbek Omuraliyev so'zga chiqib, ishtirokchilarni qutladi. Bugungi kunda Turkiy davlatlar tashkilotining xalqaro nufuzi oshib, unga a'zo va kuzatuvchi davlatlar o'rtasida turli sohalarga oid ko'p tomonlama hamkorlik aloqalari mustahkamlanib borayotgani ta'kidlandi.

Xususan, tibbiyot sohasidagi hamkorlik tashkilotga a'zo davlatlar aholisiga yuqori sifatli, zamonaviy tibbiy xizmat ko'rsatishda muhim ahamiyatga ega bo'lmoqda. Bu yo'nalishda davlatlarning bir-birini qo'llab-quvvatlash, ko'maklashishga asoslangan hamkorligi natijasida tibbiy xizmat ko'rsatish darajasi yuksalmoqda.

Kongressda sog'liqni saqlash vazirlari so'zga chiqib, Turkiy davlatlar tashkilotiga a'zo mamlakatlar bilan hamkorlikning bugungi holati va istiqbollari, o'z mamlakatlarida tibbiyot sohasida erishilayotgan natijalar haqida o'z fikrlarini bildirdi. Yangi tashabbus va g'oyalar o'rtaga tashlandi.

— Yangi O'zbekiston sog'liqni saqlash tizimida "Inson qadri uchun" degan tamoyil asosida keng ko'lamli transformatsiya jarayonlari boshlangan, — dedi A. Inoyatov. — Jumladan, davlatimiz rahbari tashabbusi bilan keyingi 7 yilda tizimni isloh etish bo'yicha 200 dan ziyod huquqiy hujjatlar qabul qilindi. Tibbiyotga ajratilayotgan mablag'lar miqdori 6 barobarga oshirilib, qariyb 30 trillion so'mni tashkil qilmoqda. Davlat

tomonidan bepul ko'rsatiladigan "kafolatlangan tibbiy xizmatlar hajmi" eng ko'p uchrayotgan kasalliklar va murojaatlardan kelib chiqqan holda shakllantirildi. Tibbiyotning birlamchi bo'g'inidagi 3 mingdan ortiq tibbiyot muassasalari moddiy-texnika bazasi yangilanib, tibbiy xodimlar salohiyati oshib bormoqda. Birlamchi tibbiyotni aholiga yaqinlashtirish maqsadida birgina 2022-yilda 136 ta poliklinika va 1300 ta mahalla tibbiyot punkti tashkil etilib, ularning soni 2086 tadan 3522 taga yetkazildi. Natijada 4,5 million nafar aholiga birlamchi tibbiyot yaqinlashtirildi. 25 ta ixtisoslashtirilgan markaz va ularning 14 ta hududdagi filiallari faoliyat ko'rsatmoqda. Buyrak va jigar ko'chirib o'tkazish kabi yuqori texnologik operatsiyalar viloyatlar, hatto tumanlar darajasida muvaffaqiyatli bajarilishi yo'lga qo'yildi. Hukumat kafolati ostida yurtimizda tibbiyot sohasi bo'yicha umumiy qiymati 877 million AQSh dollariga teng 11 ta investitsiya loyihasi amalga oshirilmoqda.

Kongressda Turkiy davlatlar tashkiloti Bosh kotibi, a'zo davlatlar va Tatariston sog'liqni saqlash vazirliklari rahbariyati "O'zbekiston Respublikasi sog'liqni saqlash alochisi" ko'krak nishoni bilan taqdirlandi.

Shundan so'ng O'zbekiston — Turkiya tibbiyot forumi o'tkazildi.

Unda ikki mamlakat sog'liqni saqlash vazirlari, tizim mas'ullari, tibbiyot oliy o'quv yurtlari, yetakchi davolash-profilaktika muassasalari, xususiy klinikalar, farmatsevtika kompaniyalari rahbarlari va olimlar ishtirok etdi.

Hozirgi paytda O'zbekiston va Turkiya sog'liqni saqlash vazirliklari o'rtasida hamkorlik to'g'risida amaldagi memorandum mavjud. Unga muvofiq, 2019-yil dekabr va 2022-yil mart oylarida Turkiya Sog'liqni saqlash vaziri yurtimizga tashrif buyurdi, 2019-yilda sog'liqni saqlash va farmatsevtika sohalari bo'yicha birinchi O'zbekiston — Turkiya forumi bo'lib o'tdi.

Mamlakatimizda Turkiya tomonidan an'anaviy ravishda "Sog'liqni saqlash haftaligi" tashkil etib keelinmoqda. Ushbu tadbirlar doirasida oftalmologiya, kardiologiya, ginekologiya, LOR, umumiy jarrohlik va urologiya yo'nalishlari bo'yicha shifokor maslahatlari, operatsiyalar va treninglar o'tkazildi.

Qardosh mamlakat ko'magida O'zbekistonning turli viloyatlaridagi perinatal markazlari va tug'ruq majmualari zarur jihozlar bilan ta'minlandi. Turkiyaning Bashkent universiteti rektori, Jahon transplantologlari jamiyati prezidenti Mehmet Xaberal boshchiligidagi ilk bor kichik yoshli bemorda buyrak ko'chirib o'tkazish amaliyoti muvaffaqiyatli bajarildi.

Yaqinda Toshkent shahrida faoliyatini boshlaydigan Hamshiralalar akademiyasida "Sog'liq bilimlari" universitetining hamshiralik ishi fakulteti ochiladi.

Turkiya tomoni O'zbekistonda sog'liqni saqlash tizimining transformatsiyasini qo'llab-quvvatlash, sohada axborot tizimlarini joriy etish, shoshilinch tibbiy yordam xizmati faoliyatini Turkiya modeli asosida tashkil etish, tibbiy sug'urta tizimini yo'lga qo'yish, soha kadrlarini o'qitish, malakasini oshirish, birgalikda ilmiy tadqiqotlar olib borish, qo'shma investitsiyaviy loyihalarni ro'yobga chiqarish kabi yo'nalishlarda hamkorlik qilishga tayyor ekanligini ma'lum qildi.

Forum yakunida ikki davlat tibbiyot muassasalari, sohaga ixtisoslashgan oliy o'quv yurtlari va ularning klinikalari, xususiy sektor korxonalari va farmatsevtika kompaniyalari o'rtasida o'zaro manfaatli kelishuvlarga erishilib, memorandum hamda hamkorlik shartnomalari imzolandi.

Turkiy davlatlar tashkiloti sog'liqni saqlash vazirlarining uchrashuvida vazirlar tomonidan hamkorlikning istiqbollari yuzasidan muhim takliflar bildirildi.

Jumladan, O'zbekiston tomoni tashkilotga a'zo mamlakatlar sog'liqni saqlash vazirliklari o'rtasidagi hamkorlikni yanada rivojlantirish, qardosh davlatlar tibbiyot oliy ta'lim muassasalari aloqalarini mustahkamlash, Turkiy tibbiyot oliy ta'lim muassasalari assotsiatsiyasi tuzish, tashkilotga a'zo davlatlarning tibbiyot sohasida berilgan diplomlari o'zaro tan olinishini ta'minlash, Turkiy davlatlar tibbiyot forumini o'tkazish bilan bog'liq takliflarni ilgari surdi.

Xalqaro tadbir doirasida tibbiyot ko'rgazmasi ham tashkil etildi.

**G'olib HASANOV.**

\*\*\*  
Baxtiyor MUSTANOV olgan suratlar.



# SIFATLI TA'LIM — KUCHLI JAMIYAT

**ERTAGA VILOYATIMIZDA II USTOZLAR MILLIY FORUMI O'TKAZILADI**

## MAKTABNI SALOHİYATLI RAHBAR BOSHQARADI

Ta'lim tizimida islohotlarga keng yo'l ochilgan bir paytda maktabdagi tanish-bilishchilik, dars soatlari taqsimoti, qarindoshlarning ta'lim dargohida rahbarlik vazifasida ishlashi kabi muammolar o'z yechimini topishi kerak. Bu borada qonunchilikka kiritilayotgan o'zgarishlar quvonarli, ammo hamma ham yangi tartibdan xabardor emas. Viloyat maktabgacha va maktab ta'limi boshqarmasi boshlig'i vazifasini bajaruvchi Shokir SULTONOV bilan suhbatimiz shu kabi masalalarga qaratildi.

— Bugun ijtimoiy tarmoqlarda keng muhokamalarga sabab bo'layotgan savol — maktab direktorini kim ishdan bo'shatadi?

— Har qanday soha vakili qonunda belgilangan tartibda ish beruvchi tomonidan ishdan olinadi. Bu jarayonda ish beruvchining tashabbusi bilan yoki xodim, rahbar o'z arizasiga binoan ishdan ozod etiladi. Albatta, maktab direktorlarini ishga olish to'g'risidagi buyruq viloyat maktabgacha va maktab ta'limi boshqarmasi tomonidan amalga oshiriladi. Ish beruvchi sifatida boshqarma boshlig'i maktab direktorini ishdan bo'shatish masalasiga mas'ul shaxs.

(Davomi 2-sahifada) >>>

**Raqamlarda**

2022–2023–o'quv yilida viloyatdagi umumta'lim maktablarini 111181 nafar bitiruvchi tugatdi.

Ularning 65726 nafari 9–sinf, 45455 nafari 11–sinf o'quvchilaridir.

72 nafariga maxsus maktablarning sertifikatlari berilgan.

9–sinf bitiruvchilarining 3845 nafari a'lo darajali shahodatnomaga ega bo'ldi. Shuningdek, 11–sinf bitiruvchilarining 1601 nafariga oltin va

172 nafariga kumush medallar topshirildi.

Maktab bitiruvchilarining 1238 nafari muddatidan oldin talabalar safiga qabul qilindi. Ulardan TOP-1000 talikka kirgan oliy ta'lim

muassasalariga 472 nafar o'quvchi o'qishga kirdi.

**Men o'qituvchi deganda – zamon bilan hamqadam bo'lgan jonkuyar, ziyoli shaxsni, maktab deganda – bilim va ma'rifat yog'dusi taralib turadigan, Uchinchi Renessans poydevori qo'yiladigan tabarruk maskanni ko'z oldimga keltiraman.**

**Biz, ota-onalar o'zimizning eng katta boyligimizni – aziz farzandlarimiz kelajagini siz, muhtaram ustozlar qo'lga ishonib topshirganmiz.**

**Shavkat MIRZIYOYEV.**

# MAKTABNI SALOHIYATLI RAHBAR BOSHQARADI

(Davomi. Boshlanishi 1-sahifada).

**- Keyingi yillarda maktab direktorini tayinlash tizimi biroz o'zgardi, talabgorlar ichidan munosibini tanlash deputatlar ixtiyoriga berildi. Ayni kunda maktab direktoriga tayinlash tartibi qanday amalga oshirilyapti?**

- Endi tizimga yangi tartib kiritilyapti. Respublika Prezidentining 2023-yil 31-maydagi "Maktabgacha va maktab ta'limi vazirligi hamda uning tizimidagi tashkilotlar faoliyatini samarali tashkil etish chora-tadbirlari to'g'risida"gi farmoniga muvofiq, viloyatlarda direktorlar kengashi tuziladi. Direktorlikka nomzodlar suhbatdan mana shu kengash tomonidan ochiq, shaffof tarzda o'tkaziladi. Suhbatdan o'tgan nomzod viloyat maktabgacha va maktab ta'limi boshqarmasi boshlig'i tomonidan ishga olinadi. Hozir direktorlar kengashining nizomi ishlab chiqilyapti.

Bizni ideal maktab direktori qanday xususiyatlarga ega bo'lishi kerak, degan savol qiziqtiradi. Bunday rahbar kompyuterni o'zlashtirgan, boshqaruvchilik qobiliyatiga

1

ega, muomala madaniyati yuksak, hujjatlar bilan ishlash ko'nikmasi va zamonaviy bilimlarga ega bo'lishi kerak. Nima uchundir biz o'qituvchilarni o'qitamiz, malakasini oshiramiz, lekin direktorlikka tayyorlamaymiz. Direktorlarni avval tayinlaymiz-da, keyin malaka oshirishga chaqiramiz. U hali moliyaviy bilimga ega bo'lmagani aytdi. Biz bunday tajribani viloyatda ham qo'llamoqchimiz, ya'ni maktab direktorligi va maktabgacha ta'lim tashkilotlariga munosib nomzodlar tayyorlab, joy-joyiga qo'ysak, ancha muammolarning oldini olgan bo'lamiz.

Yaqinda besh nafar direktorlikka nomzod Abdulla Avloniy nomidagi malaka oshirish institutida o'qib keldi. Ulardan nimalarni o'rganib kelganini so'raganimda moliyaviy tomonlama, mehnat bandligi, qanday hujjat yuritish masalasi bo'yicha yaxshi o'qitilgan va yetarli tajriba to'plaganini aytdi. Biz bunday tajribani viloyatda ham qo'llamoqchimiz, ya'ni maktab direktorligi va maktabgacha ta'lim tashkilotlariga munosib nomzodlar tayyorlab, joy-joyiga qo'ysak, ancha muammolarning oldini olgan bo'lamiz.

**- Maktab direktori lavozimida 20 yil ishlashi mumkinmi?**

- Bu masalada biz takliflar beryapmiz. Ammo

2

ko'p yillar maktabda rahbarlik qilganlar ichida yetarli tajriba orttirgan direktorlar ham bor. Ulardan foydalanishimiz kerak. Hatto shunday maktab direktorlari borki, ular nafaqaga ketayotgan bo'lsa, yana bir-ikki yil rahbarlik qilsa, deymiz. Ko'p yillik tajribaga ega direktorlar ichida yildan-yilga yaxshi natija ko'rsatib kelayotganlari bor. Bu yoshda yoki ish stajida emas, mas'uliyati, vazifasi, javobgarlik hisini sezishda bilishida deb o'ylayman. Yangi tartibga ko'ra, 2024-yil yanvar oyidan boshlab barcha maktab direktorlari har besh yilda bir marta sertifikatliyadan o'tadi. Sertifikatliyadan o'tgan maktab direktorlarini lavozimiga tayinlaymiz, o'tolmaganlari ishdan ketadi.

Maktablarda bo'lganimda shu narsaga e'tibor beraman, qani maktab direktori o'z zaxirasini yaratdimi yoki o'z joyini birovgacha berishdan qo'rqadimi? Haqiqiy maktab direktori o'z o'rniga munosib shogird tayyorlashi kerak. Agar direktor bu ishga jazm etmasa, kim yangi rahbar tayyorlaydi? Bajargan ishlari uzluksiz davom etishini istaydigan rahbar, albatta, o'ziga zamin yaratadi.

**- Yangi o'quv yili boshlanish arafasida.**

3



**Maktabdagi darslarni kim, qanday asoslarga ko'ra o'qituvchilarga taqsimlab beradi?**

- 2020-yil 30-iyunda Xalq ta'limi, Sog'liqni saqlash va Moliya vazirliklarining qo'shma buyrug'i e'lon qilindi. Ushbu buyruq asosida Adliya vazirligi tomonidan nizom qabul qilindi. Nizomga ko'ra, maktabdagi dars soatlarini taqsimlash jarayoni ham tartibga solindi. To'g'ri, bu borada yillar davomida tanish-bilishchilikka

4

## Ayrim maktablarda o'quvchilar kasbga o'qitiladi

**Yangi o'quv yilidan hududlarning bitta shahar va ikkita tumanida uchtdan maktabda sinov-tajriba tarzida o'quvchilarga ikkinchi xorijiy til va kasb o'rgatish yo'lga qo'yilmoqda. Viloyatimizdan Samarqand shahridagi 65-, 71-, 81-umumta'lim maktablari, Past Darg'om tumanidagi 21-, 56-, 111-umumta'lim maktablari, Urgut tumanidagi 28-, 48-, 102-umumta'lim maktablari tajriba-sinov shaklida tanlab olindi.**

Bugungi kunda ushbu umumta'lim maktablarida mahalliy hokimliklar tomonidan zarur shart-sharoit yaratilmoqda. Ushbu maktablardan tashqari, Kattaqo'rg'on shahridagi 11-, Bulung'urdagi 5-, Jomboydagi 40-, Ishtixon tumanidagi 8-, Kattaqo'rg'on tumanidagi 23-, Qo'shrabotdagi 89-, Oqdaryodagi 32-maktab, Narpaydagi 56-, Nuroboddagi 61-, Paryiqdagi 102-, Paxtachidagi 12-, Toyloqdagi 15-IDUM va Samarqand tumanidagi 33-maktab ham tayanch maktablar sifatida tanlab olindi.

Har bir millatning saodati, davlatning tinchi va rohati yoshlarning yaxshi tarbiyasiga bog'liqdir.

**Abdulla AVLONIY.**

## 1480 NAFAR O'QUVCHI 656 NAFAR TADBIRKOR VA HUNARMANDGA BIRIKTIRILDI

2022-yil 11-mayda davlatimiz rahbarining "2022-2026-yillarda xalq ta'limini rivojlantirish bo'yicha milliy dasturni tasdiqlash to'g'risida"gi farmoni qabul qilingan edi. Ushbu farmon ijrosini ta'minlash maqsadida viloyat maktabgacha va maktab ta'limi boshqarmasi tomonidan o'quvchilarni kasb-hunarga yo'naltirish maqsadida viloyat kambag'allikni qisqartirish va bandlik hamda kasbiy ta'limni rivojlantirish va muvofiqlashtirish boshqarmalari bilan uzviy hamkorlik yo'lga qo'yildi. Shu asosda barcha umumiy o'rta ta'lim maktablari, hududiy kasb-hunar kollejlari, kasb-hunar maktablari va texnikumlar hamda "Ishga marhamat" monomarkazlarida ochiq eshiklar kuni tadbirlari o'tkazildi.



"Ishga marhamat" monomarkazi hamda Samarqand shahridagi kasbga o'qitish markazi (KOICA) bilan o'zaro ikki tomonlama hamkorlik memorandumlari imzolandi. Shu kungacha ushbu markazlarda yuqori sinf o'quvchilari ishtirokida 300 dan ortiq, shuningdek, viloyatdagi oliy ta'lim muassasalariga va kollejlarga, kasb-hunar maktablari, texnikumlarga ochiq eshiklar kuni doirasida 1200 dan ortiq sayohatlar tashkil etildi.

2021-2022-o'quv yili davomida o'quvchilarda tadbirkorlik ko'nikmalarini shakllantirish, kasb-hunarga yo'naltirish maqsadida 65471 nafar 10-11-sinf o'quvchilari viloyatdagi sanoat, ishlab chiqarish, xizmat ko'rsatish va agrotexnologiya korxonalarida tashkilotlariga, shuningdek, "Urgut" erkin iqtisodiy zonasida joylashgan korxonalariga ekskursiyalar va sayohatlar tashkil etildi. O'quvchilarni kelgusida hunar o'rganib, daromad topishlariga ko'maklashish maqsadida "Ustoz-shogird" an'anasi asosida 1479 nafar 7-11-sinf o'quvchilari 656 nafar tadbirkor va hunarmandlarga biriktirildi. Umumta'lim

muassasalari 7-11-sinf o'quvchilarining kasb-hunarga bo'lgan qiziqishlarini aniqlash maqsadida maktab.uz va profnavigator.uz platformalari orqali so'rovnomalar o'tkazilib, o'quvchilarga kasblar to'g'risida ma'lumotlar berib borilmoqda.

Bitiruvchilar bandligini ta'minlash, kasb-hunar ta'limi muassasalarida o'qishni davom ettiradigan yoki ishga joylashishni maqsad qilgan bitiruvchilarga amaliy ko'mak berish maqsadida joriy yil 10-avgustda viloyat kambag'allikni qisqartirish va bandlik boshqarmasi bilan hamkorlikda Samarqand shahar ishsizlarni kasb-hunarga o'qitish markazida mehnat yarmarkasi tashkil etildi. Mehnat yarmarkasida Samarqand shahri, Jomboy, Oqdaryo, Nurobod, Past Darg'om, Samarqand, Toyloq tumanlaridan 256 nafar bitiruvchi ishtirok etib, o'zlarini qiziqigan kasb-hunar yo'nalishlari bo'yicha shartnomalar imzoladi. Shuningdek, ushbu yarmarkada 40 dan ortiq bitiruvchilar bilan viloyatdagi bo'sh ish o'rinlariga mehnat shartnomalari tuzildi.

## 17 nafar o'quvchi inklyuziv ta'lim olmoqda

**Bugungi kunda viloyatdagi Bonta umumiy o'rta ta'lim maktabida 17 nafar alohida ta'lim ehtiyojlari bo'lgan o'quvchilar sog'lom o'quvchilar bilan bir sinfda ta'lim-tarbiya olib kelmoqda.**

Jumladan, Samarqand shahridagi 81-umumiy o'rta ta'lim maktabida 6 nafar, Jomboy tumanidagi 23-umumiy o'rta ta'lim maktabida 1 nafar, Ishtixon tumanidagi 8-umumiy o'rta ta'lim maktabida 1 nafar, Oqdaryo tumanidagi 47-umumiy o'rta ta'lim maktabida 2 nafar, Toyloq tumanidagi 25-, 30-,

53-umumiy o'rta ta'lim maktablarida 1 nafar, Urgut tumanidagi 154-umumiy o'rta ta'lim maktabida 2 nafar o'quvchi inklyuziv ta'lim olmoqda.

Ushbu umumiy o'rta ta'lim maktablarida inklyuziv sinflarni tashkil etish uchun barcha sharoit yaratilgan bo'lib, boshlang'ich sinf o'qituvchilari o'quvchilarni kasb-hunarga yo'naltirish va psixologik-pedagogik respublika tashxis markazi tomonidan ishlab chiqilgan maxsus dastur asosida o'qitildi.

2023-2024-o'quv yilida inklyuziv va korreksion sinflar ochilishi rejalashtirilgan maktab direktorlari, boshlang'ich sinf o'qituvchilari, logopedlar, psixo-

loglar, tibbiy-pedagogik-psixologik komissiya mutaxassislari uchun Respublika bolalar ijtimoiy moslashuvi markazi xodimlari bilan hamkorlikda 14 marotaba o'flayn va 30 dan ortiq onlayn o'quv kurslari tashkil etildi.

Shuningdek, yangi o'quv yilida har bir tuman va shahardan ikkita-dan umumiy o'rta ta'lim maktabida inklyuziv ta'lim sinflari tashkil etish rejalashtirilgan. Ko'rishda nuqsoni bo'lgan, ta'limga jalb etilmagan maktab yoshidagi bolalarni inklyuziv ta'limga jalb etish va ularning yaqin qarindoshlariga darslarda birga qatnashish imkoniyatini yaratish choralari ko'rilmogda.

## 1-sinfga 80 mingga yaqin bola qabul qilindi

**2023-2024-o'quv yilida viloyatdagi 88533 nafar bolani 1-sinfga qabul qilish bo'yicha birlamchi prognoz ro'yxatlari shakllantirilgan.**



Yangi o'quv yili uchun bugungi kun holatiga 79921 nafar bola 1-sinfga qabul qilindi. Shundan 68694 nafari an'anaviy va 11227 nafari yagona interaktiv davlat xizmatlari portali orqali onlayn qabul qilindi. Davlat umumiy o'rta ta'lim maktablariga 79352 nafar, boshqa vazirlik va idoralar tasarrufidagi ta'lim muassasalariga 30 nafar, nodavlat ta'lim muassasalariga 539 nafar maktab yoshiga yetgan bolalar hujjat topshirgan.

Samarqand va Kattaqo'rg'on shaharlarida 2023-2024-o'quv yilida bolalarni umumiy o'rta ta'lim maktablariga qabul qilish yagona interaktiv davlat xizmatlari portali (my.gov.uz) yoki Maktabgacha va maktab ta'limi vazirligining elektron davlat xizmatlari portali (my.maktab.uz) orqali belgilangan tartibda ota-onalar tomonidan amalga oshirilmogda.

Davlat xizmati joriy etilmagan tumanlardagi umumiy o'rta ta'lim maktablari 1-sinfga qabul jarayoni an'anaviy shaklda vazirlikning elektron tizimi (adm.maktab.uz)ga kiritilmogda.

1-sinfga qabul qilinib, adm.maktab.uz platformasiga kiritilgan bolalarga 12 nomdagi Prezident sovg'asi beriladi.

yo'l qo'yib kelingani rost. Endi oshna-og'ayni-chilikka yo'l qo'yilmaydi. Har bir fanning metodik kengashi bor. Metodik kengash birinchi navbatda xalqaro olimpiadada o'quvchisi g'olib chiqqan yoki o'zi ishtirok etgan o'qituvchiga, shuningdek, oliy toifali o'qituvchiga dars soati ajratadi. Masalan, oliy toifadagi o'qituvchi metodik kengashdan 1,5 stavka dars soati so'rashi mumkin. Qolgan dars soatlari birinchi, ikkinchi toifali, mutaxassis o'qituvchilarga beriladi. Bunda kechagina oliy ta'lim muassasasini bitirib kelgan yosh o'qituvchi ishsiz qolmasligi kerak. Bu masalani metodik kengashning o'zi hal qilishi lozim. So'ngra bu taqsimot maktabdagi pedagogik kengashga olib chiqiladi. Pedagogik kengash qarori bilan dars soatlari tasdiqlanadi. Ba'zi maktablarda direktor o'rinbosari yoki direktorning o'zi dars taqsimotiga aralashib ketadi.

Dars taqsimotida talabalarga ham dars berish masalasi bor. Ba'zi maktablarda oliy ma'lumotli o'qituvchilar navbatda tursa, ba'zilarida o'qituvchi yetishmaydi. O'qituvchi yetishmaydigan maktablarga 3-kursdan talabalarni ishga olish mumkin.

**- Navbatdagi va navbatdan tashqari attestatsiya test sinovlarida 50 ball natija ko'rsatgan, toifasi yo'q o'qituvchi rahbarlik, aniqrog'i, direktor o'rinbosari lavozimida ishlashi mumkinmi?**

- Yangi tartibga ko'ra, maktab direktori o'rinbosarini o'zi tayinlaydi. Oldinlari ma'naviy-ma'rifiy ishlar bo'yicha direktor o'rinbosari tuman ma'naviyat va ma'rifat markazi rahbari suhbatidan o'tganidan keyin tayinlanardi. Endi bu tartib bekor qilindi. Maktab direktori jamoa ichidan munosib o'rinbosarni o'zi tayinlaydi.

**- Maktabda qarindoshlar rahbarlik lavozimlarida ishlashi mumkinmi?**

- Albatta, mumkin emas. Bu qonun bo'yicha manfaatlar to'qnashuviga olib keladi. Maktab

5

direktori o'z qarindoshini nafaqat rahbarlik vazifasiga, balki moliyaviy ishlar bilan bog'liq bo'lgan xo'jalik ishlari bo'yicha mudir yoki qorovul vazifalariga ham ishga olishi mumkin emas.

**- Maktablarda yangi o'quv yiliga tayyorgarlik qanday bo'ldi? Qancha maktab qurildi, qancha o'quvchi o'rni yaratildi?**

- Bu yil respublika budjet mablag'lari hisobidan Samarqand shahar Qorasuv massivida 1680 o'rinni, Urgut tumani Mergancha mahallasida 990 o'rinni yangi maktab binolari qurilmoqda. Shuningdek, viloyatda 32 ta maktabda rekonstruksiya va qo'shimcha binolar qurish ishlari olib borilyapti. Maktablarda 10 mingdan ziyod yangi o'quvchi o'rni yaratilyapti. Bu yil 45 ming nafar o'quvchi maktabni bitirgan bo'lsa, 88 ming nafar bola birinchi sinfga o'qishga kelyapti. Bu yana shuncha yangi o'quvchi o'rni yaratish kerak degani. Bu muammoni hal qilish uchun koeffitsiyenti yuqori bo'lgan maktablarga qo'shimcha binolar quryapmiz. To'g'ri, ta'mirlab maktablarimiz bor, ammo birinchi navbatda qo'shimcha binolar qurish masalasini yo'lga qo'yayapmiz. Buning uchun 42 milliard so'm sarflanyapti.

Shuningdek, yangi o'quv yilidan boshlab 1-sinf o'quvchilariga informatika fani o'tiladi. Shu bois kompyuter xonalarini tayyorlashimiz kerak. Yaqinda respublikadan 140 ta kompyuter jamlanmasi yetib keldi. Hozir joylarga tarqatilyapti. Yana 100 dan ortiq kompyuter jihozlari mahalliy hokimliklar tomonidan olib berilyapti.

3, 6, 7, 10-sinf darsliklari deyarli to'liq yangilandi. 1, 2, 4-sinflar uchun yangi darsliklar kelyapti. Har yili 1-sinflarga beriladigan "Prezident sovg'a"lari bu yil vaqtda yetib keldi va biz deyarli barcha tumanlarga tarqatib bo'ldik.

Aytgancha, aholi sonini hisobga olib, kelgusi yilda Qorasuv massivida yana bitta maktab qurishni rejalashtiryapmiz.

Xurshida ERNAZAROVA  
suhbatlashdi.

6

## NAJOT TA'LIMDA

(Yangi o'quv yili arafasidagi o'ylar)

**Bilamizki, maktab ta'limiga doim davlat siyosati darajasida e'tibor qaratib kelinmoqda. Yurtboshimizning sohani tubdan isloh qilish va ta'lim sifatini yaxshilashga qaratilgan bir qancha farmonlari qabul qilinayotgani, o'qitishning yangicha milliy tizimi joriy qilinishi, ilg'or mamlakatlarning tajribalari o'rganilayotgani ham fikrimizni isbotlaydi. Shunday bo'lishiga qaramasdan, ta'lim tizimida sustkashlikka yo'l qo'yayotgan yoki loqaydlik qobig'idan chiqa olmayotganlar yo'q emas.**

To'g'ri, o'tgan cho'rak asrdan ziyod vaqt mobaynida ta'limda ulkan yutuqlarga erishdik. O'quvchilarimiz fan olimpiadalarida, sport va san'atda jahon maydoniga chiqmoqda. Bugungi kunda o'zbek bolalarining jismoniy va aqliy salohiyatiga, erishayotgan natijalariga dunyo tan bermoqda. Afsuski, bu natijalar mamlakat miqyosida tahlil qilinganda, umumiy o'quvchi soniga nisbatan juda ozchilikni tashkil qiladi.

Bizda haliga qadar past koeffitsiyentda ishlayotgan, tanlov va olimpiadalar u yoqda tursin, hatto bir o'quvchisi ham oliy-gohga kira olmayotgan maktablar mavjud. Maktabni bitirayotgan o'quvchilarning teng yarmi chalasavod ekani, biror tashkilotga ish so'rab borganda ariza yozishni eplay olmayotgani, chet ellarda til bilmasligi yoki tayinli hunari yo'qligi sabab qora ishchi



bo'lib qolayotgani ham, afsuski, haqiqat.

Shu sababli mamlakatimiz rahbariyati ta'lim tizimiga o'zgartishlar kiritish kerak, degan xulosaga keldi. Buning natijasi o'laroq, maktablarda islohotlar amalga osha boshladi. Jumladan, maktablar elektron kundalik tizimiga o'tdi, darsliklarning yangi avlodi yaratilmoqda, pedagoglarni ishga qabul qilish va o'qituvchilar malakasini oshirishda yangicha talablar qo'yilmoqda, baholash tizimi va

imtihon o'tkazish tartibi yangi bosqichga o'tmoqda, ta'lim muassasalarining moddiy texnik bazasi yaxshilanmoqda, o'qituvchilar mavqei oshirilib, daxlsizligi konstitutsiya darajasida ta'minlanmoqda.

Bu kabi yaratilishi ko'zda tutilgan yengillik va imkoniyatlar har bir o'qituvchi va rahbar xodimlarni quvontirishi, ruhlantirishi tabiiy. Bundan tashqari, Prezidentimizning saylovoldi uchrashuvlarida ham endilikda maktabni bitiradigan har bir o'quvchining bir tilni va bir kasbni mukammal

o'rganib chiqishi, o'quvchilar oylik maoshining oshirilishi, ularning sog'liklarini tiklashi uchun turli imtiyozlar, darsliklarning bepul berilishi, maktablarning to'liq zamonaviy texnologiyalar bilan ta'minlanishi kabi masalalar ko'tarildi. Shunday ekan, har bir o'qituvchi yangi o'quv yilini boshlash arafasida vijdoni oldida shu kabi savollarga javob

berishi zarur: Xo'sh, men o'z kasbimning yaxshi mutaxassisi bo'ldimmi, vazifamni vijdonan ado etyapmanmi?

Yurtboshimiz ta'kidlaganidek, najot ta'limda, najot bilimda. Mamlakatimizda ta'lim olayotgan barcha o'quvchilarning kelajak taqdiriga biz, pedagoglar javobgarmiz. Yangi o'quv yili oldidan o'zimizni qayta tahlil qilaylik.

Feruza TOG'AYEVA,  
xalq deputatlari viloyat  
Kengashi deputati,  
xalq ta'limi a'lochisi.



## MAKTABGACHA VA MAKTAB TA'LIMI TIZIMI XODIMLARI UZLUKSIZ MALAKA OSHIRADI

**Joriy yilning yanvaridan boshlab maktabgacha va maktab ta'limi xodimlarining har yili malaka oshirishga asoslangan uzluksiz kasbiy rivojlantirish tizimi joriy etilgan. Bunda maktabgacha va maktab ta'limi muassasalari rahbar, mutaxassis va pedagog xodimlariga "Uzluksiz kasbiy ta'lim" maxsus elektron platformasidan mustaqil ro'yxatdan o'tish va tasdiqlangan rejaga muvofiq malaka oshirish ta'lim tashkilotlarida ishdan ajralgan holda (oflayn) yoki "Uzluksiz kasbiy ta'lim" elektron platformasida ishdan ajralmagan holda (onlayn) malaka oshirish imkoniyati yaratilgan.**

Bugungi kunda viloyat pedagog xodimlarining 60279 nafari malaka oshirish uchun ro'yxatdan o'tib, 15662 nafari hududiy markazda, 15166 nafari onlayn platformada malaka oshirib, tegishli sertifikatga ega bo'lgan. Ya'ni, viloyat bo'yicha maktabgacha va maktab ta'limi xodimlarini malaka oshirishga jalb qilish rejasi 30-iyun holatiga 51,1 foizga bajarilgan.

Bu haqda viloyat Matbuot uyida bo'lib o'tgan matbuot anjumanida ma'lum qilindi.

- Viloyat pedagoglarni yangi metodikalarga o'rgatish milliy markazida 2023-yil 30-yanvardan 16-iyungacha qadar "Singapur metodikasi" bo'yicha qisqa muddatli maqsadli o'quv kurslari tashkil etildi, - dedi markaz direktori A'lamjon Ibragimov. - Singapur tajribasi asosida milliy markazda o'tkazilgan o'quv mashg'ulotlarida

singapurlik tajribali mutaxassislar tomonidan mahorat darslari tashkil qilinib, tinglovchilarning rahbarlik qobiliyati, bilim va tajribasi oshirildi. Ushbu o'quvlarida tuman (shahar)lardagi 808 ta maktabdan 237 nafar maktab direktori, 314 nafar direktor o'rinbosari, 264 nafar fan o'qituvchisi ishtirok etdi.

Bo'lib o'tgan matbuot anjumanida onlayn malaka oshirish tizimining afzalligi, ya'ni pedagog istalgan vaqtda platformaga kirib, o'quv darslarini yuklab olishi mumkinligi haqida gapirildi. Shuningdek, hali bu borada muammolar borligi, lekin shunga qaramay, bundan buyon har yili barcha maktabgacha va maktab ta'limi tizimi xodimlarining malakasi uzluksiz oshirib borilishi ta'kidlandi.

O'z muxbirimiz.

## YOSHLARGA YETVOLING – BOSHQA YO'L YO'Q

**Tan oling, bugun farzandingiz bilan shug'ullanishga, unga tarbiya berishga kuchingiz yetmayapti. Tabiiyki, gap jismoniy kuch haqida emas. Masala ancha chuqur va ko'pincha o'zimiz tan olmaydigan holatga keldi.**

Odatda, biz, yoshlar tarbiyasi deganda faqat nasihat berishni tushunib qoldik. Uzoq yillik bunday tarbiya, ya'ni yuqoridan turib, ularni har tomonlama boshqarishga urinish qobig'idan chiqib keta olmayapmiz. Yoshlarning kitob o'qimasligi, mehnat bilan yetarli shug'ullanmasligi va qator qusurlari haqida gapirish, bundan yozg'irish asosiy mavzuzimizga aylangan, desam, xato bo'lmaydi.

To'g'ri, bu masalada yutuqli tomonlarni ham aytib o'tamiz. Ammo aksar holatlarda umumiy qarashlarimiz bir – yoshlardan yozg'iramiz. Lekin ularni tinglab ko'rdikmi? Nega ular maktabga borishni istamaydi? Borishni istaganlari ham aksariyat hollarda o'rtoq, dugonalari bilan ko'rishish xohishi bilan chegaralanadi. Oliy ta'lim muassasasiga ne azob bilan tayyorgarlik ko'rib kirgan talaba nega keyin o'qishdan soviy boshlaydi? Nega ota-onalar bilan dildan suhbatlashmaydi, dildagilarni gapirib berolmaydi? (Dars tayyorlamalik va boshqa qator bahonalari tufayli maktabdagi ta'limdan yozg'irish haqida gap ketmayapti), A'trof-muhit, mavjud imkoniyatlar, umuman, turli sohalarda haqida ota-onalar bilan suhbatlashishni istayotgan bolalar juda ko'p, ularning. Bugungi bolalar bir necha o'n yil ilgirigidek ota-ona nima desa, shu to'g'ri ekan, boshqa yo'l yo'q, deya qarab o'tirmaydi.

Stomatolog shifokorga borganda hozir shifokor tishini qanday davolashi haqida gapirib berib, shundan so'ng u og'riqdan xoli bo'lishini aytayotgan bolalarni kuzatdim. Besh yoshli bola qachon shunday mulohaza qilgan axir? Tug'ilganidanoq qo'lida telefon bilan ulg'ayayotgan bolalar to'g'ridan-to'g'ri ma'noda yangi asr bolalari sifatida o'zini namoyon qilaypti. U yoki bu sohadagi ma'lumotni siz gugl qidiruvga berib topguningizcha, ular sizga o'sha soha haqida aytib berishyapti. (Shu o'rinda bolaga telefon berib qo'yish zararliligi haqida faktlar to'g'ri bo'lsa-da, ammo hayotda farzandlarimiz baribir shu matoh bilan ulg'ayayotganini inkor qilolmaymiz.) Bunday bolalarni qanday qilib faqat nasihat bilan tarbiyalash yoki ularga ta'lim berish mumkin, ayting-chi? Ko'plab talabalar, maktab yoshidagi o'quvchilar bilan gaplashganman. Keling, umumiy holda ular fikrlarining ba'zilariga to'xtalib o'tsam.

- Maktabda faqat birgina o'qituvchining darsiga qiziqib kiraman, - deydi ulardan biri. - Qolganlari menimcha, o'zlari ham nima o'tayotganini bilmasa kerak. Qaniydi, hamma fanlar ham o'shanday qiziqarli o'tilsa, biron-ta darsni qoldirmasdim. Ba'zi muallimlar darsning boshidan, oxirigacha tarbiya haqida gapiradi. Biz maktabga bilim olish uchun bormaymizmi? Bizga zo'r dars o'tilsin, bo'ldi, tarbiyani ota-onamizga qo'yib berishgani ma'qul.

- To'g'risi, institutga osonlik bilan o'qishga kirmadim, eh-he, qancha tunlarni bedor o'tkazdim, qancha kitob varaqladim, - deydi yana biri. - Lekin bu yerda bilimlarimni davom ettirishga imkon yo'q-ku. Ba'zi masalalarda talabalar o'qituvchilardan ko'ra ko'proq bilim va tushunchaga ega. Faqat hurmat yuzasidagina darsida quloq solib o'tiramiz. U bizga berayotgan ma'lumotlarni internet orqali hech qiyinmay, institutga kelib, vaqt sarflamay o'rganishimiz ham mumkin.

Dars o'tish uslublari, bugungi pedagogikaning oqsoq tomonlari alohida mavzu ekanligini inobatga olgan holda urg'uni hatto o'ldiradigan o'qituvchilarning, bir yo ikki nafar farzandiga saboq berishga qunt qilmayotgan ota-onalarga qaratomqchi ekid.

- Ota-onam ko'pincha biz bilan gaplashmaysan, dilingdagini aytmayman, deyishadi, - bu yana bir yosh avlodning fikri. - Lekin ularga qiziqishlarim haqida aytaman, tushunishmaydi. Tuzukroq narsa bilan shug'ullansang bo'lmaydimi, deyishadi. Lekin ular nima haqida gapirayotganimga hatto qiziqib ko'rishmaydi.

Rostdan shunday, qiziqib ko'rmayapmiz. Ularni tarbiyalash faqat nasihat qilishdangina iborat, deb o'ylayapmiz. Ammo hammasi bo'lmasa-da, yoshlar orasida bugungi asr shiddati bilan suzayotganlari tobora ortib boryapti. Ular tushungan, bilganlarini bilmay qolyapmiz. Bilmayotganimizdan uyalib, so'rash, o'rganish o'rniga ularning o'zini aybdor qilib qo'yayapmiz. Bola tarbiyasida endi faqat yoshimiz katta ekanligi inobatga o'tmaydigan kunlar kelganini tushunishimiz kerak, nazarimda. Endi ular bilan tengma-teng muloqot qilish uchun ham ko'proq o'qib-o'rganishimiz kerakligini anglab yetishimiz lozim. Aks holda, yoshlardan nolib yurishda davom etaveramiz.

To'g'ri tushuning, yoshi ulug'larning hayotiy tajribasi, saboqlarini inkor etmayapmiz yoki undan voz kechish kerak demayapmiz. Bu tajribalarni o'rgatishning uslubini o'zgarishi kerak demoqchimiz, xolos. Agar bundan boshqa fikrlaringiz bo'lsa, yozing, tahririyatga qo'ng'iroq qiling.

Gulruh MO'MINOVA.



# NAVOIYSHUNOSLIKNING YANGI YUTUG'I

Ilmi igna bilan quduq qazishga mengzaydilar. Bu bejiz emas. Ayniqsa, bu talqinni adabiyot ilmiga nisbatan qo'llash ilmning zalvorli yukini yana bir karra eslatib turadi. Chunki mumtoz asarlar tadqiqotchisi ikki bosqich orasida toblanadi, ilmda o'z yo'lini topadi. Ularning birinchisida ilm yo'liga kirgan tolib mumtoz asarlar sir-asrorini egallaydi, ikkinchisida o'zi egallagan bilimlarni yoshlarga o'rgatadi, ularga tahlilga tortilgan asar mazmun-mohiyatini to'g'ri tushuntirib, ilm sari yo'naltiradi.



Olimning o'zbek adabiyotshunosligining dolzarb muammolariga bag'ishlangan 300 dan ortiq ilmiy va o'quv-uslubiy ishlari e'lon qilingan, jumladan, 15 ta darslik va o'quv qo'llanma, 13 ta monografiya, 230 ta ilmiy va ilmiy-ommabop maqolalar muallifi bo'lgan Sh.Sirojiddinova Samarqand shahrida o'tkazilgan MDH Parlamentlararo Assambleyasining yalpi majlisida Chingiz Aytmatov nomidagi mukofot topshirilgan edi. Bu mukofot muallifning turkiy xalqlar adabiyoti va aloqalari rivojiga qo'shgan hissasi e'tirofidir.

Olim umri davomida o'zbek va turkiy xalqlar mumtoz adabiyoti, Alisher Navoiy hayoti va ijodini yangicha o'rganish bo'yicha tadqiqotlar olib bormoqda. Uning bir necha tilda yaratgan asarlari «Alisher Navoiy aqidalari», «Alisher Navoiy. Manbalarning qiyyasiy-tipologik tekstologik tahlili», «Mir 'Ali Shir Nava'i the Great», «Navoiy navosidan bahra olib», «Navobaxsh baytlar jozibasini», talabalar uchun mo'ljallangan «Navoiyshunoslik» darsligi, «Amir Alisher», «Ilm va tahayyul sarhadlari», «Navoiy zamon-doshlari e'tirofida» kabilardir. Bundan

tashqari, matnshunoslikka oid «Matnshunoslik saboqlari», «O'zbek matnshunosligi qirralari», shu bilan birga, «Hijriy va milodiy yillarni o'zaro tabdil qilish usullari», «Islom falsafasiga kirish: Kalom ilmi», «O'zbek mumtoz adabiyotining falsafiy sarchashmalari», «XV - XVI asrlar tarixiy va tazkira-esdalik asarlarida Alisher Navoiy hayoti va faoliyati talqini», «Religii mira», «So'fi Olloyor ilohiyoti», «She'riyatda inson ruhiy kamoloti talqini», «O'rta asr o'zbekiston falsafiy qarashlari» kabi bir qator asarlari navoiyshunosligimiz yutug'i sifatida baholandi.

Bugungi kunda Shuhrat Sirojiddinov dunyoning o'nlab mamlakatlarida Fanlar akademiyalari va ilmiy kengashlari a'zosi, O'zbekiston Respublikasi atamashunoslik komissiyasi raisi o'rinbosari sifatida faoliyat olib bormoqda.

Shuhrat Sirojiddinovning 2023-yilda Toshkentda "Adabiyot" nashriyotida O'zbekiston Yozuvchilar uyushmasi homiylikida chop etilgan "Amir Alisher. Hayoti va faoliyati" kitobi Navoiy ijodini o'rganish borasidagi ishlarni yana bir pog'ona yuqoriga ko'tardi, deyish mumkin. Yaqinda Boku shahridagi O'zbekiston Milliy ilmlar akademiyasida ushbu kitobning o'zbek tashqi tarjimai holi taqdimoti bo'lib o'tdi.

Alisher Navoiy hayoti bilan bog'liq yangi ma'lumotlarga boy bu asar o'zbek mumtoz adabiyoti tarixi bo'yicha olib boriladigan ilmiy tadqiqotlarga ishonchli manba, ta'lim tizimining turli pog'onalarida adabiyotimiz tarixiga oid darsliklar yaratishda muhim qo'llanma bo'lishiga shubha yo'q.

**Erkin MUSURMONOV,**  
filologiya fanlari doktori, professor,  
**Tolib JO'RAYEV,**  
filologiya fanlari nomzodi, dotsent.

Oramizda shunday insonlar borki, ular hamisha xalqning dardi bilan yashaydi. Kishilarga yaxshilik ulashadi, muammolariga yechim topadi, birovning tashvishini o'zini deb biladi. Mana shunday oliyanob insonlardan biri Bahridin Shamamatovdir.

## Ibratli inson

B. Shamamatov 1940-yilda Nurota tumani Bag'ojot qishlog'ida dunyoga keldi. Qishloqdagi o'rta maktabni bitirgach, Samarqand davlat universitetining tarix fakultetiga o'qishga kirib, uni muvaffaqiyatli tamomladi.

1957-1964-yillarda Qo'shrabot, Kattaqo'rg'on tumanlaridagi maktablarda o'qituvchi bo'lib ishladi. So'ngra Kattaqo'rg'on tumani Yoshlar ittifoqi birinchi kotibi, viloyat partiya qo'mitasi tashkili bo'lim mudiri lavozimlarida faoliyat yuritdi. Qo'shrabot va Kattaqo'rg'on tumanlari partiya qo'mitasining ikkinchi kotibi lavozimlarida mehnat qildi.

1991-yilda Xalq demokratik partiyasi Kattaqo'rg'on tumani kengashi raisi lavozimiga saylanib, 2000-yilgacha ushbu vazifada samarali ishladi. Keyinchalik Miyonqol mahallasida keksalar va nuroniylar guruhiga rahbarlik qildi. U qayerda ishlamasin, o'zining rahbarlik qobiliyatini ko'rsata oldi. Yurish-turishda odamlarga ibrat bo'ldi.

El-yurt fidoyisi Bahridin Shamamatovning halol va samarali mehnati hukumatimiz tomonidan munosib taqdirlandi. Ustoz "Hurmat belgisi" ordeniga, 1-darajali "Mehnat faxriysi" ko'krak nishoniga sazovor bo'ldi.

Bahridin aka go'zal fazilatlar bilan boshqalardan ajralib turadi. U kishi mohir notiq, chuqur bilim va hayotiy tajribaga ega inson. Davralarda ibratomuz fikrlari bilan kishi qalbiga zavq baxsh etadi. Bu hayotning past-balandi,



turmush ikir-chikirlaridan yaxshi xabardor bo'lganidan va ko'pning ichida yurganidan darakdir. Negaki, hamisha xalq dardida yurgan insonlarga hammaning ko'ngliga yo'l topa oladi.

Ayni damda keksalik gashtini surayotgan Bahridin aka o'zining mehnat odamlarning dardi bilan yashamoqda. U kishinikiga bir borganimda qo'shni-laridan bir qanchasi betob bo'lib yotganini aytib qoldi. Kasali bor xonadonlarga birma-bir kirib chiqdik, ayrimlari nogiron ekan. Barchasiga tegishli tavsiyalar berib, qalbidagi g'uborlarni tozalashga harakat qildik. Ularning kayfiyat chog' bo'lib ketdi.

Bahridin aka o'zining muborak 83 yoshini qarshi olmoqda. Ustozga uzoq umr, baxt-saodat tilaymiz. Farzandlaru nabiralar rohatini ko'rib yuring.  
**Zayniddin NORMAN.**

Boshqacha aytganda, haqiqiy ilm yo'lini tutgan olimni o'tmish va kelajakni bog'lab turuvchi ko'priikka qiyoslash mumkin. Chunki yosh avlod o'tmishga ustozlar nazari bilan boqadi, uning o'g'itlari asosida mushohada qiladi, tafakkurini kengaytiradi. Zamonamiz navoiyshunoslik ilmda taniqli olim, filologiya fanlari doktori, professor, Alisher Navoiy nomidagi Toshkent davlat o'zbek tili va adabiyoti universiteti rektori Shuhrat Sirojiddinovning o'ziga xos o'rni bor.

REKLAMA, E'LONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / MUHOJAT UCHUN TELEFON: 66-233-91-56

### ISHGA TAKLIF ETAMIZ

Samarqand shahridagi «SEVARA-TUR» oilaviy korxonasi Ahmad Al-Farg'oniy ko'chasi 6-uyda joylashgan «SEVARA» mehmon-uyida farrosh vazifasida (gornichnaya) ishlash uchun xotin-qizlarni yoshidan qat'i nazar, subhat asosida ishga taklif etadi. Ishlash uchun hamma sharoitlar mavjud (1 sutka ish, 2 sutka dam olish, 4 mahal ovqat bilan ta'minlanadi, mehmonxona 5 xonadan, 10 ta joydan iborat).

Murojaat uchun telefon: (90) 224-19-51.

### DA'VOLAR BO'LSA

Samarqand shahar davlat xizmatlari markazidan 2018-yil 15-avgustda 629776 reestr raqami bilan ro'yxatga olingan «FARXOD GAZ QUALITY TRADE» mas'uliyati cheklangan jamiyati (qisqartirilgan nomi: «FARXOD GAZ QUALITY TRADE» MChJ) jamiyat ta'sischilarining 2023-yil 16-avgustdagi 1-sonli umumiy yig'ilish qaroriga asosan ixtiyoriy ravishda tugatilmog'ida.

Shu munosabat bilan unga bildiriladigan barcha e'tirozlar gazetada e'lon chop etilgach, ikki oy davomida qabul qilinadi.

**Jamiyatning pochta manzili: O'zbekiston Respublikasi Samarqand viloyati Samarqand shahri Farhod qo'rg'oni. 1-yo'lak. 4-uy.**

**Jamiyatning soliq to'laydigan identifikatsion raqami (STIR 305704504).**

Buxoro shahri davlat xizmatlari markazidan 2021-yil 9-avgustda 1024000-reestr raqam bilan ro'yxatga olingan «BIOMED-BUKHARA» mas'uliyati cheklangan jamiyati (STIR 308762336) o'z ustav fondi miqdorini 200 000 000 (ikki yuz million) so'mdan 15 000 000 (o'n besh million) so'mga kamaytirmog'ida.

Shu munosabat bilan unga bildiriladigan barcha da'volar gazetada e'lon chop etilgach, bir oy davomida qabul qilinadi.

**Manzil: Samarqand shahri Amir Temur ko'chasi, 32-uy.**

Samarqand shahrida xususiy amaliyot bilan shug'ullanuvchi notarius Aliyeva Lola Zoirova notarial idorasida marhum Madjidov Mirzoumidjon Xamrokulovichga (2022-yil 6-dekabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Bahromova Feruza Zoirova notarial idorasiga murojaat etishlarini so'raymiz.

**Manzil: Samarqand shahri Mirzo Ulug'bek ko'chasi, 80-uy.**

Samarqand shahrida xususiy amaliyot bilan shug'ullanuvchi notarius Aliyeva Lola Zoirova notarial idorasida marhum Safarov Pirnazarga (2020-yil

2-avgustda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirova notarial idorasiga murojaat etishlarini so'raymiz.

**Manzil: Samarqand shahri Mirzo Ulug'bek ko'chasi, 80-uy.**

Samarqand shahrida xususiy amaliyot bilan shug'ullanuvchi notarius Murtazayev Ulug'bek Rabbimovich notarial idorasida marhum Zaripova Mukadasga (2022-yil 4-mayda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Murtazayev Ulug'bek Rabbimovich notarial idorasiga murojaat etishlarini so'raymiz.

**Manzil: Samarqand shahri Orzu Mahmudov ko'chasi, 12-uy.**

Samarqand shahrida xususiy amaliyot bilan shug'ullanuvchi notarius Shukurova Lobar Olimjon qizi notarial idorasida marhum Sharipov Murodboyga (2022-yil 11-avgustda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Shukurova Lobar Olimjon qizi notarial idorasiga murojaat etishlarini so'raymiz.

**Manzil: Samarqand shahri Spitamen shohko'chasi, 157-uy. Mo'ljal: Samarqand viloyat IIB YHXB, shahar mudofaa ishlari bo'limi.**

Samarqand shahrida xususiy amaliyot bilan shug'ullanuvchi notarius Narzullayeva Lola Shukurullayevna notarial idorasida marhum Abduraxmonov Sharof Abdurashidovichga (2022-yil 27-dekabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Narzullayeva Lola Shukurullayevna notarial idorasiga murojaat etishlarini so'raymiz.

**Manzil: Samarqand shahri Nodirabegim ko'chasi, 5/1-uy.**

Samarqand shahrida xususiy amaliyot bilan shug'ullanuvchi notarius Bahromova Feruza Zoirova notarial idorasida marhum Tagiyeva Sayyora Djavadovna (2017-yil 12-mayda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Bahromova Feruza Zoirova notarial idorasiga murojaat etishlarini so'raymiz.

**Manzil: Samarqand shahri Gagarin ko'chasi, 121-uy.**

Oqdaryo tumanida xususiy amaliyot bilan shug'ullanuvchi notarius Sa'dullayev Jamshidxon Safoxonovich notarial idorasida marhum Kushnazarova Kuzigul Zarifovna (2016-yil 12-noyabrda vafot etgan) tegishli mol-mulk uchun meros ishi ochilmoqda.

Shu munosabat bilan merosxo'rlarning Sa'dullayev Jamshidxon Safoxonovich notarial idorasiga murojaat etishlarini so'raymiz.

**Manzil: Oqdaryo tumani Loyish shaharchasi Amir Temur ko'chasi.**

Payariq tumanida xususiy amaliyot bilan shug'ullanuvchi notarius Ortiqboyev Aziz Azamatovich notarial idorasida marhum Suvankulova Minavarga (2021-yil 13-iyunda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Ortiqboyev Aziz Azamatovich notarial idorasiga murojaat etishlarini so'raymiz.

**Manzil: Payariq tumani Chelak shaharchasi, Istiqlol ko'chasi, 73-uy.**

Payariq tumanida xususiy amaliyot bilan shug'ullanuvchi notarius Ortiqboyev Aziz Azamatovich notarial idorasida marhum Narchayev Umirzakga (2021-yil 16-yanvarda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Ortiqboyev Aziz Azamatovich notarial idorasiga murojaat etishlarini so'raymiz.

**Manzil: Payariq tumani Chelak shaharchasi, Istiqlol ko'chasi, 73-uy.**

Payariq tumanida xususiy amaliyot bilan shug'ullanuvchi notarius Ortiqboyev Aziz Azamatovich notarial idorasida marhum Sattorova Dilfuza Tursunulatovna (2022-yil 29-sentabrda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Ortiqboyev Aziz Azamatovich notarial idorasiga murojaat etishlarini so'raymiz.

**Manzil: Payariq tumani Chelak shaharchasi, Istiqlol ko'chasi, 73-uy.**

### TOPGANGA MUKOFOT!

Past Darg'om tumanidagi «MAROQAND CEMENT INVEST» mas'uliyati cheklangan jamiyati qo'shma korxonasi (STIR 304457725) tegishli yuklagich davlat raqami 30 DA 710 bo'lgan «ZL 50 GN» yuklagichning TTP № 145698 raqamli texnik pasporti Nurobod tumani hududida yo'qolgan. Ushbu hujjatni topganlardan mukofot evaziga qaytarishlarini so'raymiz.

**Telefon (97) 391-19-92.**

Past Darg'om tumanidagi «MAROKAND LED INVEST» mas'uliyati cheklangan jamiyati (STIR 302150184) tegishli yuklagich davlat raqami 30 GA 834 bo'lgan yuklagichning texnik pasporti Oqdaryo tumani hududida yo'qolgan. Ushbu hujjatni topganlardan mukofot evaziga qaytarishlarini so'raymiz.

**Telefon (97) 391-19-92.**

**MATBUOT UYI**

**Zarafshon**

С АМАРКАНДСКИЙ В ЕСТНИК

**MUASSIS: Samarqand viloyati hokimligi**

**Bosh muharrir: Farmon TOSHEV**

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 16 924 nusxada chop etildi. Buyurtma 444. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

**QABULXONA: (66) 233-91-51, REKLAMA VA E'LONLAR: (66) 233-91-56**

**BO'LIMLAR: (66) 233-91-57, 233-91-58, 233-91-59, 233-91-61**

**MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.**

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ bosmaxonasida chop etildi.

**Korxonalar manzili:** Samarqand shahri, Spitamen ko'chasi, 270-uy.

Bosishga topshirish vaqti: soat 18:30 da.

Bosishga topshirildi: soat 19:00

**Navbatchi muharrir:** A.HAYDAROV.

**Navbatchi:** S.MARDIYEV.

**Sahifalovchi:** B.ABDULLAYEV.

Saytimizga o'tish uchun QR-kodni telefoningiz orqali skaner qiling

ISSN-201667X

9 1772010667009

Sotuvda narxi kelishilgan holda